

Fundarboð

752. stjórnarfundur S.S.S.

verður haldinn miðvikudaginn 15. janúar kl. 8:00, á skrifstofu Sambands sveitarfélaga á Suðurnesjum, Skógarbraut 945, 262 Reykjanesbær.

Dagskrá:

1. Staðan á vinnumarkaði á Suðurnesjum – Hildur Jakobína Gísladóttir, forstöðumaður Vinnumálastofnunar á Suðurnesjum.
2. Sóknaráætlun Suðurnesja.
 - a) Samningur um Sóknaráætlun Suðurnesja 2020-2024.
 - b) Sóknaráætlun Suðurnesja – umsagnir á samráðsgátt stjórnvalda.
 - c) Undirbúningur áhersluverkefna.
3. Miðstöð símenntunar á Suðurnesjum. Lokaskýrsla vegna fjarnáms fyrir hjúkrunarfræðinga, dags. 03.01.2020.
4. Húsnæðismál S.S.S.
5. Önnur mál.

Með bestu kveðju.

Berglind Kristinsdóttir
Framkvæmdastjóri

Viðauki:

Fundargerð S.S.S. nr. 751, dags. 18.12.2019

Samningur um sóknaráætlun Suðurnesja 2020-2024

Samgöngu- og sveitarstjórnarráðuneytið, kt. 580417-0780 og mennta- og menningarmála-ráðuneytið, kt. 460269-2969, í þessum samningi nefnd ráðuneytin og Samband sveitarfélaga á Suðurnesjum, kt. 640479-0279, í samningi þessum nefnd landshlutasamtök, gera með sér eftirfarandi samning, á grundvelli laga nr. 69/2015 um byggðaáætlun og sóknaráætlunar og heimildar skv. 40. gr. laga nr. 123/2015 um opinber fjármál um afmörkuð verkefni byggðaáætlunar og sóknaráætlana landshluta.

1. KAFLI SÓKNARÁÆTLUN LANDSHLUTA

1.1 Markmið

Markmið laga nr. 69/2015 um byggðaáætlun og sóknaráætlunar er að efla byggðaþróun og auka samráð milli ráðuneyta á sviði byggðamála, innan hvers landshluta og milli stjórnsýslustiga, jafnframt að færa til sveitarstjórna aukna ábyrgð á sviði byggða- og samfélagsþróunar.

Markmið sóknaráætlana landshluta er að ráðstöfun þeirra fjármuna sem varið er til verkefna í einstökum landshlutum á sviði samfélags- og byggðamála byggi á svæðisbundnum áherslum og markmiðum sem fram koma í sóknaráætlun landshlutans.

Markmið samningsins er að stuðla að jákvæðri samfélags- og byggðaþróun í takt við heimsmarkmið Sameinuðu þjóðanna um sjálfbæra þróun, treysta stoðir menningar og auka samkeppnishæfni landshlutans og landsins alls. Markmiðið er jafnframt að einfalda samskipti ríkis og sveitarfélaga og tryggja gagnsæi við úthlutun og umsýslu opinberra fjármuna.

Til að vinna að markmiðum samningsins munu landshlutasamtökin:

- Móta sóknaráætlun Suðurnesja sem nær yfir árin 2020-2024.
- Annast umsýslu uppbyggingarsjóðs Suðurnesja sem styður við markmið sóknaráætlunar.
- Skilgreina áhersluverkefni sem endurspeglar markmið sóknaráætlunar og styðja við framgang hennar.

1.2 Sóknaráætlun landshluta

Sóknaráætlanir landshluta eru stefnumótandi áætlanir sem taka til starfssvæða landshluta-samtaka sveitarfélaga. Í þeim koma fram stöðumat viðkomandi landshluta, framtíðarsýn, markmið og aðgerðir til að ná þeim markmiðum. Í sóknaráætlunum landshluta skal mælt fyrir um svæðisbundnar áherslur sem taka mið af meginmarkmiðum byggðaáætlunar, landsskipulagsstefnu, skipulagsáætlunum, menningarstefnu og, eftir atvikum, annarri opinberri stefnumótun.

Landshlutasamtök sveitarfélaga vinna sóknaráætlun á sínu starfssvæði og bera ábyrgð á framkvæmd hennar. Stýrihópur Stjórnarráðsins um byggðamál styður landshlutasamtökin við gerð sóknaráætlana.

Forgangsröðun verkefna byggir á sóknaráætlun landshlutans. Áætlunin er gerð til 5 ára og skal endurskoðuð með tilliti til stöðu landshlutans og framvindu áætlunarinnar að minnsta kosti einu sinni áður en samningstímabilið er hálfnað.

B3

WAT
YK

Þar sem atvinnu- og þjónustusóknarsvæði ná yfir two eða fleiri landshluta skulu viðkomandi landshlutasamtök sveitarfélaga samhæfa sóknaráætlanir sínar.

Landshlutinn setur sér leiðarljós sem tekur mið af heimsmarkmiðum Sameinuðu þjóðanna, þingsályktun um stefnumótandi byggðaáætlun, þingsályktun um menningarstefnu og annarri stefnumótun ríkisins eftir því sem við á.

1.3 Samráð

Sóknaráætlanir eru unnar í samvinnu við samráðsvettvang landshlutans. Landshlutasamtökin skipa samráðsvettvanginn þar sem tryggð er sem breiðust aðkomu sveitarstjórna, stofnana, atvinnulífs, menningarlífs, fræðasamfélags og annarra haghafa í landshlutnum. Gæta skal lýðræðis-, búsetu-, aldurs- og kynjasjónarmiða.

Landshlutasamtökin skilgreina hlutverk og verkefni samráðsvettvangs og skal hann hafa beina aðkomu að gerð sóknaráætlunar landshlutans og vera upplýstur um framgang hennar að minnsta kosti árlega.

Í því skyni að vekja athygli á sóknaráætlun landshlutans setja landshlutasamtökin sér samskiptaáætlun, sem endurskoðuð er árlega. Þar kemur meðal annars fram hvernig kynna á sóknaráætlunina fyrir helstu markhópum, fyrirhugaðir fundir og ráðstefnur, áætlun um greinaskrif, auglýsingar og virkni á samfélagsmiðlum.

2. KAFLI UPPBÝGGINGARSJÓÐUR

2.1 Hlutverk

Uppbyggingarsjóður er samkeppnissjóður. Sjóðurinn hefur það hlutverk að styrkja verkefni sem falla að sóknaráætlun landshlutans. Sjóðurinn styrkir að jafnaði ekki meira en 50% af heildarkostnaði verkefna.

2.2 Umsýsla

Landshlutasamtökin annast umsýslu sjóðsins. Auglýsa skal opinberlega, minnst einu sinni á ári, eftir umsóknum um styrki.

Landshlutasamtökin setja sér verklagsreglur vegna úthlutana úr sjóðnum. Í reglunum skal meðal annars koma fram hvaða upplýsingar þurfa að liggja fyrir frá umsækjendum, hvað telst styrkhæfur kostnaður og hvaða viðmið gilda við mat verkefna. Jafnframt skal koma fram fyrirkomulag við útborgun styrkja og uppgjör verkefna.

2.3 Úthlutunarnefnd

Landshlutasamtökin skipa úthlutunarnefnd uppbyggingarsjóðsins. Hlutverk úthlutunarnefndar er að velja þau verkefni sem styrkt verða, á grundvelli faglegs mats. Við úthlutun styrkja skal gæta jafnræðis, hlutlægni, gagnsæis og samkeppnissjónarmiða. Starfsmenn landshlutasamtaka eða skyldra aðila geta ekki setið í úthlutunarnefnd.

Þeir sem sitja í úthlutunarnefnd skulu gæta að hæfisreglum við ákvarðanatöku og víkja sæti ef fyrirliggjandi aðstæður eru til þess fallnar að draga úr trú á óhlutdraegni við val á verkefnum. Ef viðkomandi er vanhæfur, ber honum að víkja af fundi og skráist það í fundargerð. Ekki nægir að viðkomandi sitji hjá við atkvæðagreiðslu um mál sem hann er vanhæfur í. Við mat á vanhæfi



skal hafa til hliðsjónar ákvæði stjórnsýslulaga nr. 37/1993 og 20. gr. sveitarstjórnarlaga nr. 138/2011.

2.4 Þátttaka tengdra aðila

Stofnanir, opinber hlutafélög og samtök í meirihluta eigu ríkisins eða svitarfélaga skulu að jafnaði ekki vera leiðandi aðili í verkefnum styrktum af uppbyggingarsjóði landshlutans.

3. KAFLI ÁHERSLUVERKEFNI

3.1 Áhersluverkefni

Áhersluverkefni eru verkefni sem hafa beina skírskotun til sóknaráætlunar landshlutans og styðja við heimsmarkmið Sameinuðu þjóðanna. Verkefnin skulu hafa skýr markmið og árangursmælikvarða. Áhersluverkefnin skulu samþykkt af stjórn landshlutasamtakanna.

3.2 Staðfesting stýrihóps

Verkefnin þurfa að hljóta staðfestingu stýrihóps Stjórnarráðsins um byggðamál.

4. KAFLI RÁÐSTÖFUN FJÁRMUNA, ÁBYRGÐ, UPPLÝSINGAR OG EFTIRLIT

4.1 Fjármögnun

Miðað við forsendur fjárlaga ársins 2020 greiðir ríkið grunnframlag vegna samnings þessa að upphæð kr. 84.207.273 árið 2020.

Fjárveiting samkvæmt samningi þessum tekur mið af fjármálaáætlun ríkisins til fimm ára. Með fylgiriti fjárlaga hvers ár er áætlun um fjárframlag til samninga tilgreint.

4.2 Skipting fjárveitinga

Grunnframlög til sóknaráætlana landshluta koma frá samgöngu- og svitarstjórnarráðuneyti, af fjárlagalið 10-701 1.15 og mennta- og menningarmálaráðuneyti, af fjárlagalið 02-982 1.45.

Framlag ríkisins skiptast á milli landshluta samkvæmt viðmiðunarreglum sem stýrihópur Stjórnarráðsins um byggðamál gerir tillögu að og leggur fyrir ráðherra.

4.3 Fjárhæðir

Grunnframlag ríkisins árið 2020 til sóknaráætlunar Suðurnesja er kr. 84.207.273.

Önnur framlög – sjá nánar í viðauka I:

Svitarfélög á Suðurnesjum kr. 9.000.000

Fjárhæðir í samningnum eru settar fram með fyrirvara um annars vegar ákvörðun Alþingis um fjárveitingu í fjárlögum og hins vegar ákvárdanir stjórnvalda um aðrar viðmiðanir við undirbúnning fjárlaga vegna aðstæðna í ríkisfjármálum á hverjum tíma. Þannig er heimilt að gera ráð fyrir aðhaldi í rekstri þeirra verkefna sem samningurinn tekur til á sama hátt og hjá ríkisaðilum sem annast sambærilega starfsemi taki stjórnvöld ákvörðun um það við gerð fjárlaga. Fyrirvari er einnig gerður um fjárframlag sveitarfélaganna, enda taka landshlutasamtök þeirra ákvörðun um breytingu á framlögum þeirra við gerð fjárhagsáætlunar.

Samningsaðilar skuldbinda sig til að vinna að því að auka ráðstöfunarfé til samningsins á samningstímanum. Heimilt er að semja um framlög annarra aðila að samningunum.

Vaxtatckjur fjármuna samnings þessa skulu tilheyra honum og færðar í ársreikning hans.

4.4 Greiðslutilhögun

Samgöngu- og sveitarstjórnarráðuneytið annast afgreiðslu framlaga til landshlutasamtaka.

Greiðslur fara fram eftir greiðslubeiðnum frá landshlutasamtökunum og byggja á framlögðum gögnum um framvindu verkefna.

4.5 Kostnaður vegna framkvæmdar samningsins

Landshlutasamtökunum er heimilt að nýta allt að kr. 12.000.000 á ári í umsýslu með samningi þessum. Gera skal grein fyrir umsýslukostnaði í árlegri greinargerð, samanber 2. mgr. 4.7 gr. samnings þessa. Kostnaður vegna umsýslu er hluti af framlagi til þessa samnings sbr. 4.3 gr.

4.6 Ábyrgð aðila

Hlutverk landshlutasamtakanna er að annast framkvæmd samnings þessa.

Landshlutasamtökin bera ábyrgð á skuldbindingum sem þau stofna til í tengslum við samning þennan.

Landshlutasamtökunum er óheimilt að framselja réttindi sín og skyldur samkvæmt samningi þessum í hendur þriðja aðila, nema með samþykki stýrihóps Stjórnarráðsins um byggðamál og að setja fjármuni sem þeim eru veittir samkvæmt samningi þessum til tryggingar fjárveldinga, skv. 45. gr. laga um samningsveð nr. 75/1997.

Ráðuneytin fela stýrihópi Stjórnarráðsins um byggðamál eftirlit og umsýslu með samningi þessum. Sjá viðauka II.

4.7 Upplýsingar, samskipti og eftirlit

Fulltrúar stýrihópsins og landshlutasamtakanna skulu funda árlega um framkvæmd samningsins á grundvelli sóknaráætlunar landshlutas.


Landshlutasamtökin skila árlega greinargerð um framkvæmd samningsins til stýrihópsins sem byggja á sniðmáti sem samningsaðilar koma sér saman um. Þar koma meðal annars fram upplýsingar um framvindu sóknaráætlunar og ráðstöfun fjármuna árið á undan. Þar skulu jafnframt koma fram kyngreindar upplýsingar um umsækjendur og styrkþega, upplýsingar um mótfamlög, sundurliðun umsýslukostnaðar og fleira.

Landshlutasamtökin bera jafnframt ábyrgð á að standa skil á öðrum upplýsingum sem ráðuneytin, eða aðrir í umboði þeirra, kunna að kalla eftir vegna opinberrar upplýsingagjafar, sem og eftirlits og umsýslu með framkvæmd þessa samnings.

Tekjum og gjöldum sem tengjast samningi þessum skal haldið aðskildu í bókhaldi og endurskoðuðum ársreikningi landshlutasamtakanna.

Samning þennan, ársreikning landshlutasamtakanna, greinargerð um framkvæmd samnings og úttektarskýrslur skal birta á vef landshlutasamtakanna jafnóðum og þessi gögn liggja fyrir. Stýrihópnum er heimilt að birta gögnin á vefsíðum Stjórnarráðsins eða undirstofnana.

Landshlutasamtökin skulu setja á vefsíðu sína ýmis gögn sem eru efnislegar afurðir verkefnisins, svo sem upplýsingar um framvindu verkefna, skýrslur, leiðbeiningar og áætlunar.

 4

Á öllu útgefnu efni, auglýsingum o.fl. sem tengist verkefnum sem falla undir samning þennan skal koma fram með tryggilegum hætti að þau séu hluti af sóknaráætlun landshlutans og á ábyrgð landshlutasamtakanna. Nota skal merki sóknaráætlunar landshlutans þar sem því verður við komið.

5. KAFLI VANEFNDIR, MEÐFERÐ ÁGREININGS OG ENDURSKOÐUN

5.1 Vanefndir, meðferð ágreinings og endurskoðun

Uppfylli landshlutasamtökin ekki skyldur sínar samkvæmt samningi þessum er ráðuneytunum heimilt að draga úr greiðslum, stöðva greiðslur og/eða endurkrefja um greiðslur sem þegar hafa runnið til landshlutasamtakanna enda hafi ekki tckist að jafna ágreining á milli samningsaðila.

Samningsaðilar skulu leitast við að jafna ágreining, ef einhver er, sín á milli.

Dómsmál sem rísa kann út af samningi þessum skal rekið fyrir Héraðsdómi Reykjavíkur.

Samningsaðilar geta óskað eftir endurskoðun á einstökum ákvæðum samnings þessa á samningstímabilinu ef sérstakt tilefni gefst.

6. KAFLI GILDISTÍMI OG LOK SAMNINGS

6.1 Gildistími og lok samnings

Samningur þessi gildir frá 1. janúar 2020 til 31. desember 2024.

Óski annar hvor aðila eftir að segja samningnum upp skal það gert skriflega með þriggja mánaða fyrirvara.

Samningur þessi er gerður í fjórum samhljóða eintökum og telst hvert um sig fullgilt frumrit samningsins. Eitt eintak skal vera í vörslu samgöngu- og sveitarstjórnarráðuneytis, annað í vörslu mennta- og menningarmálaráðuneytis, þriðja í vörslu landshlutasamtakanna og það fjórða í vörslu fjármála- og efnahagsráðuneytis.

hæg


mý

þv 5


Reykjavík, 12. nóvember 2019



Sigrður Ingi Jóhannsson
samgöngu- og sveitarstjórnarráðherra



Lilja D. Alfreðsdóttir
mennta- og menningarmálaráðherra



Einar Jón Pálsson
formaður stjórnar Sambands sveitarfélaga á
Suðurnesjum



staðfesting fjármála- og efnahagsráðuneytis

Viðaukar:

- Viðauki I Önnur framlög, með vísan í 4.3 gr. í samningi þessum.
Viðauki II Ábyrgð og hlutverk stýrihóps Stjórnarráðsins um byggðamál varðandi eftirlit og
 umsyðslu.

Viðauki I
við samning um sóknaráætlun landshluta 2020-2024

Önnur framlög, með vísan í 4.3 gr. samnings um sóknaráætlun Suðurnesja 2020-2024

Framlög til sóknaráætlana landshluta skiptast í grunnframlög og önnur framlög. Til annarra framlaga í sóknaráætlun Suðurnesja teljast eftirfarandi:

Sveitarfélög á Suðurnesjum..... kr. 9.000.000
Um er að ræða sameiginlegt framlag sem sveitarfélögin á Suðurlandi leggja að lágmarki til þessa samnings.

— 33 —

Jy, næst

Viðauki II

við samning um sóknaráætlun landshluta 2020-2024

Ábyrgð og hlutverk stýrihóps Stjórnarráðsins um byggðamál varðandi framkvæmd og eftirsílgning samninga um sóknaráætlunar landshluta 2020-2024

Stýrihópur Stjórnarráðsins um byggðamál er skipaður fulltrúum allra ráðuneyta og fulltrúa frá Sambandi Íslenskra sveitarfélaga. Fulltrúi ráðherra byggðamála fer með formennsku í stýrihópnum. Hlutverk stýrihópsins, samkvæmt 2. gr. laga nr. 69/2015 um byggðaáætlun og sóknaráætlunar, er að efla samhæfingu innan Stjórnarráðsins í málefnum sem snúa að byggðamálum, tryggja aðkomu allra ráðuneyta að undirbúningi byggðaáætlunar og tryggja virkt samráð við sveitarstjórnarstigið í þessum málaflokki.

Stýrihópurinn vinnur út frá þeiri skilgreiningu að byggðamál eru öll þau viðfangsefni sem hafa áhrif á lífsgæði og samkeppnishæfni landshluta, s.s. búsetu, atvinnu og nýsköpun. Þau snúa að eflingu samfélaga, félagsauðs, atvinnulífs, menntunar, menningar, velferðarmála, samgangna og fjarskipta. Samkvæmt þessari skilgreiningu, sem og lögum um byggðaáætlun og sóknaráætlunar landshluta, eru byggðamál viðfangsefni allra ráðuneyta með einhverjum hætti og ná til alls landsins.

Ráðuneytin fela stýrihópnum umsjón og eftirlit með samningum um sóknaráætlunar landshluta.

Umsjónar- og eftirlitshlutverk stýrihópsins felst í eftirtöldu:

- a) Styðja landshlutasamtök sveitarfélaga við gerð og framkvæmd sóknaráætlana.
- b) Vinna drög að viðmiðunarreglum vegna útdeilingar fjármuna milli landshluta.
- c) Staðfesta sóknaráætlunar landshluta og áhersluverkefni.
- d) Funda árlega með landshlutasamtökum um framkvæmd samningsins.
- e) Yfirfara árlegar greinargerðir frá landshlutasamtökum um framvindu áhersluverkefna, úthlutanir uppbyggingarsjóða, skiptingu fjármuna milli málaflokka og fleira.
- f) Skila árlega greinargerð til ráðuncytanna um framvindu sóknaráætlanasamninga og ráðstöfun fjármuna.
- g) Meta, með hliðsjón af upplýsingum frá landshlutasamtökum, hvort staðið hafi verið við skilyrði samningsins um framkvæmd sóknaráætlunar svo lokagreiðsla geti farið fram.
- h) Hafa almennt samráð og samskipti um framkvæmd sóknaráætlunarsamninga og fylgja eftir ákvæðum samninganna um skil og upplýsingagjöf.
- i) Vinna með landshlutasamtökunum að því að sóknaráætlunar verði farvegur fyrir samstarf ríkis og sveitarfélaga um framkvæmd byggðaáætlunar.
- j) Vinna að því að fella fleiri viðfangsefni og samninga að sóknaráætlunum landshluta.





Samráðsgátt (/oll-mal)

– opið samráð stjórnvalda við almenning

2b



Samráð fyrirhugað
18.12.2019—
07.01.2020

Til umsagnar
18.12.2019—
07.01.2020

Niðurstöður í vinnslu
frá
07.01.2020

Niðurstöður birtar
frá
07.01.2020

Drög að Sóknaráætlun Suðurnesja 2020-2024

Mál nr. 316/2019 Birt: 18.12.2019

Samgöngu- og sveitarstjórnarráðuneytið Annað

Málefnavið: Sveitarfélög og byggðamál

Niðurstöður í vinnslu

Umsagnarfrestur er liðinn (18.12.2019–07.01.2020). Umsagnir voru birtar jafnóðum og þær bárust. Skoða umsagnir. Niðurstöður samráðsins verða birtar þegar unnið hefur verið úr þeim ábendingum og athugasemdum sem bárust.

Málsefni

Sóknaráætlun Suðurnesja 2020-2024 hefur verið sett í opið samráðferli þar sem allir geta sent inn ábendingar og tillögur varðandi áætlunina; markmið hennar og innihald. Umsagnarfrestur er til og með 7. janúar 2020

Sóknaráætlun Suðurnesja 2020-2024 er nú til umsagnar en þar geta íbúar landshlutans komið með ábendingar áður en hún öðlast gildi á nýju ári.

Sóknaráætlun er stefnuskjal sem felur í sér stöðumat landshlutans, framtíðarsýn og markmið í tilgreindum málaflokkum ásamt skilgreindum leiðum að markmiðunum. Markmið hennar er að stuðla að jákvæðri byggðaþróun í takt við heimsmarkmið Sameinuðu þjóðanna um sjálfbæra þróun, treysta stoðir menningar og auka samkeppnishæfni landshlutans.

Samningur um Sóknaráætlun Suðurnesja 2020 – 2024 var undirritaður þann 12. nóvember 2019 milli samgöngu- og sveitarstjórnarráðuneytisins, mennta- og menningarmálaráðuneytisins og Sambands sveitarfélaga á Suðurnesjum. Tilgangur hennar er að einfalda samskipti ríkis og sveitarfélaga og tryggja gagnsæi við úthlutun og umsýslu opinberra fjármuna. Sóknaráætlun Suðurnesja heldur utan um rúmlega 100 milljónir króna á ári og því renna rúmlega 500 milljónir króna frá ríkinu til Suðurnesja næstu fimm árin.

Undirbúningur Sóknaráætlunar Suðurnesja 2020 – 2024 hóst í maí sl. á vegum Sambands sveitarfélaga á Suðurnesjum en Capacent hefur haldið utan um vinnuferli og samráðsfundi sem haldnir hafa verið vegna verkefnisins.

Unnið var að móton stefnunnar með því að eiga samráð við kjörna fulltrúa og aðra hagsmunaaðila á Suðurnesjum til þess að fá fram sjónarmið þeirra um Sóknaráætlunina og tengja áætlunina með markvissum hætti við ákvörðun áhersluverkefna og úthlutun verkefna úr uppbyggingarsjóði.

Afurð þessarar vinnu er Sóknaráætlun Suðurnesja 2020-2024 en þar má finna áherslur að endurskoðaðri framtíðarsýn, meginmarkmið og mælanleg markmið til næst ára.

Við óskum eftir ábendingum frá íbúum landshlutans sem við munum taka tillit til og í einhverjum tilfellum breyta í samræmi við.

Ábyrgðaraðili

Samband sveitarfélaga á Suðurnesjum
sss@sss.is (<mailto:sss@sss.is>)

Skjöl til samráðs

Drög að Sóknaráætlun Suðurnesja 2020-2024

Sækja skjal (/Skrar/\$Cases/GetCaseFile/?id=%7b5a2e9cfa-ae21-ea11-945b-005056850474%7d) - 1911 kb

Fjöldi umsagna

3

Innsendar umsagnir

☞ (/oll-mal/\$Cases/Details/?id=2574&uid=dda703ec-fc26-ea11-945b-005056850474)

#1 Jóhanna P Björgvinsdóttir - 25.12.2019

Í þessi markmið vantar að setja áætlun um hvernig á að koma í veg fyrir sóun á reynslu og færni fólks á milli fimmtugs og sextíuogsjöára sem einhverra hluta vegna er án vinnu en vill og getur unnið. Þið gætuð orðið fyrst á Íslandi og tala ekki um í heiminum að búa til markmið fyrir fullorðið fólk.

☞ (/oll-mal/\$Cases/Details/?id=2574&uid=ea9ec8e2-d528-ea11-945b-005056850474)

#2 Ásdís Ólafsdóttir - 27.12.2019

Eitt fljótlegt skref í átt að sjálfbærni er t.d. að hér á Suðurnesjum væri í boði að setja metan á bíla, sjá líkt og Akureyrarbær er að gera.

Safna lífrænum úrgangi frá heimilum og stofnunum á Suðurnesjum og lækka þar með förgunarkostnað sveitarfélagana á almennu sorpi sem er dýrasti förgunarflokkurinn.

Væri mögulegt að bjóða upp á þessa söfnun við grendargámana til að byrja með?

Varast að fara í of miklar gróðursetningar í móanum umhverfis sveitarfélögin. Móinn fóstrar mófuglategundir (lóa, spói, hrossagaukur o.fl.) sem koma árlega hingað í móana umhverfis okkur til að verpa og þessar tegundir vilja ekki verpa í skógi eða þar sem þéttleiki trjáa er. Einnig mikilvægt að halda í þau örfáu varpsvæði sem eru eftir fyrir sílamáf og svartbak en þessum tegundum hefur fækkað um 90% á síðustu 10 árum hér á suðvesturlandi. Við viljum ekki búa á stað þar sem það eina sem flýgur hér yfir bæina okkar eru fuglar úr stáli.

Til að kolefnisjafna eða binda ættu sveitarfélögin frekar að styrkja framtak eins og Votlendissjóð heldur en að ráðast í umfangsmiklar gróðursetningar. Með því að fylla upp í skurði þá hefst kolefnisbinding samstundis en tré er í mörg ár að byrja að kolefnisbinda. Einnig er varhugavert að dreifa ágengum tegundum eins og öspum um alla móa því þær þurrka þá upp. Ef það er enn mest spennandi kostur fyrir sveitarfélögin að gróðursetja þá ætti að velja tegundirnar vel og nota innlendar tegundir eins og birki. Eyðum frekar grasbölum innanbæjar með því að gróðursetja tré þar í stað þess að fylla móana af trjám.

Sveitarfélögin ættu að halda í og varðveita víðernin í nálægð við sig sem eru án ummerkja mannsins (göngustígar, bekkir, salernisaðstöðu o.p.h.) því þau eru og verða alltaf mikilvæg landsvæði fyrir alla þá sem langar að sjá óspillta náttúru. Með því að halda í óspillta náttúru þá erum við að vernda líffræðilegan fjölbreytileika á svæðinu.

☞ ([/oll-mal/\\$Cases/Details/?id=2574&uid=8bf7a2e9-9130-ea11-945b-005056850474](#))

#3 Valdimar Óssurarson - 06.01.2020

Fyrirliggjandi drög eru að mörgu leyti ágæt en þó vantar þar tvö mikilvæg atriði til að sóknaráætlunin geti staðið undir því nafni. Þessi atriði tengjast að sumu leyti; eru mikilvæg í samfélagslegu tilliti og fyrir okkar alþjóðlegu skuldbindingar. Sjálfur hef ég unnið að báðum þáttum og er þeim vel kunnugur. Þau eru:

A. Efling á starfi frumkvöðla og hugvitsmanna, t.d. með sköpun (endurreisn) aðstöðu. (Ég er formaður Samtaka frumkvöðla og hugvitsmanna, og býst við að þau landssamtök væru reiðubúin að koma að slíkri stefnumótun).

B. Þróun tækni til sjávarorkunýtingar. Á Suðurnesjum starfar (enn) eina fyrirtæki landsins í þróun sjávarorkutækni, og hefur náð lengst á heimsvísu í þróun tækni til nýtingar þess straumhraða sem t.d. er að finna í Reykjanesröst og mjög víða annarsstaðar. Ég rek sjálfur þetta fyrirtæki; Valorku ehf. Það hefur hlotið alþjóðlegar viðurkenningar; hefur notið stuðnings Tækniþróunarsjóðs og væntir stuðnings hins nýja Loftslagssjóðs. Óvist er hvort þessi starfsemi geti áfram þrifist á Suðurnesjum eftir að lokað var frumkvöðlasetrinu Eldey á Ásbrú; eina frumkvöðlasetrinu á svæðinu.

Nánar um einstaka liði áætladraganna, og hvernig þessi atriði gætu fallið að þeim:

a) Í SVÓT-greiningu á bls 10; kaflanum um tækifæri, þarf að bæta við punkti: "aukin áhersla á hugvit og nýsköpun". Athugið að þau hugtök falla ekki undir "skapandi greinar" samkvæmt alþjóðlegum skilgreiningum.

b) Framangreind atriði (A og B) falla mjög vel að þeim heimsmarkmiðum Sþ sem áætluninni er ætlað að styðja. T.d. áherslu 7 um sjálfbæra orku; áh 9 um nýsköpun og uppbyggingu; áh 11 um sjálfbærar borgir og samfélög og áherslu 13 um aðgerðir í loftslagsmálum.

c) Í kaflann um Atvinnu og nýsköpun (bls 13), í upptalningu undir liðnum "gera meira", þarf að bæta við þessu atriði: "koma upp frumkvöðlasetri" (eða endurreisa það, en frumkvöðlasetrið Eldey á Ásbrú var lagt niður á sl ári og allir frumkvöðlar reknir þaðan út án möguleika á öðrum lausnum. Engin mótmæli heyrðust frá sveitarstjórnum). Einnig þarf að bæta við þessu atriði: "stuðla að þróun sjávarorkutækni".

d) Á bls 15 er kaflinn "Helstu áherslur", með undirkäflanum "við viljum". Þar þarf að bæta við liðnum: "efla nýsköpun og nýta hugvit og framtak". Undir liðnum sjálfbærni (bls 17) er rætt um að auka þurfi sjálfbæra nýtingu orku og þar er nefnd sjávarorka (sem er mun sjálfbærari en jarðhitanyting). Gott mál, en nauðsynlegt er að áhersla á sjávarorku sjáist víðar í plagginu. Undir liðnum "samvinna sveitarfélaga" (bls 17) er rætt um að koma á fót stafrænni smiðju. Þetta er alls ekki nóg; mikilvægt er að koma upp (endurreisa)

starfsaðstöðu fyrir frumkvöðla með verkefni (líkt og Eldey var), en það þarf að sjálfsögðu að gerast í samstarfi við ríkið og vera borið uppi sameiginlega af rík, sveitarfélögum og frumkvöölunum sjálfum (með húsaleigu). Því verði bætt við lið; "koma á fót vinnuaðstöðu fyrir starfandi frumkvöðla".

e) Varðandi tengsl við forgangsmarkmið sitjandi ríkisstjórnar (bls 20). Framangreind markmið, sem ég legg hér til, hafa skýra tilvísun í markmið þessarar ríkisstjórnar. Í stjórnarsáttmála ríkisstjórnarflokkanna segir m.a.: "Nýsköpun og hvers konar hagnýting hugvits er mikilvæg forsenda fjölbreytts atvinnulífs, sterkrar samkeppnisstöðu og velferðar". Ennfremur: "Ríkisstjórnin mun stuðla að því að skilyrði hér á landi fyrir frumkvöðla og sptotafyrirtæki verði framúrskarandi".

f) Varðandi umhverfismál. Bæta þarf inn í kaflann "Byrja á" á bls 27 eftirfarandi klausu áhersluatriði: "styðja þróun tækni til nýtingar sjávarorku".

Legg ég til að starfshópur sóknaráætlunarinnar íhugi vandlega þessar tillögur. Ég er reiðubúinn að ræða þetta frekar við hópinn ef eftir er óskað.

Valdimar Össurarson, framkvstjóri Valorku og formaður Samtaka frumkvöðla og hugvitsmanna

Sóknaráætlun Suðurnesja
Berglind Kristinsdóttir
Skógarbraut 935
235 Reykjavík

Reykjavík, 3.1.2020

Vegna/samnings vegna áhersluverkefnisins „fjarnám fyrir hjúkrunarfræðinga“.

Lokaskýrsla

Hjá MSS hefur verið líf og fjör í ár meðal háskólanema sem stunda nám í háskólum landsins og hafa aðstöðu hjá MSS til þess. Fjölmargir nemar hafa stundað nám með þessum hætti í gegnum MSS síðan árið 1999. Árið 2019 voru 119 nemendur í fjarnámi á háskólastigi á vorönn og 130 nemendur á haustönn. Að venju þá útskrifaði Háskólinn á Akureyri nemendur í júní og í febrúar og voru 17 nemendur sem höfðu nýtt sér aðstöðu MSS sem útskrifuðust. Nemendur voru að útskrifast sem 1 af heilbrigðisvínsindasviði, 9 af hug- og félagsvínsindasviði og 7 af viðskipta- og raunvísindasviði

Á árinu voru 23 nemendur sem stunduðu nám í hjúkrun. Þrír nemendur voru á fjórða ári, fjórir nemendur á þriðja ári, þrír nemendur á öðru ári og þrettán nemendur á fyrsta ári.

Allir þessir nemendur hafa aðstöðu hjá MSS, fá þar aðstöðu til að læra, vinna saman í hópum og taka próf.

Það er skoðun okkar og trú að þessi aðstaða sem við sköpum fyrir nemendur skili fleiri menntuðum einstaklingum í okkar flotta samfélag hér á Suðurnesjum.

Ef óskað er frekari upplýsinga endilega hafið samband við undirritaða.

Virðingarfyllst,

Guðjónína Sæmundsdóttir
Forstöðumaður MSS



SAMBAND SVEITARFÉLAGA Á SUÐURNESJUM

Skógarbraut 945 • 235 Reykjanesbær • Kl. 640478-0279
Sími 420 3288 • Netfang sss@sss.is

751. fundur

Árið 2019, er fundur haldinn í stjórn Sambands sveitarfélaga á Suðurnesjum miðvikudaginn 18. desember, kl. 8:00 á skrifstofu S.S.S., Skógarbraut 945, Reykjanesbæ.

Mætt eru: Einar Jón Pálsson, Kolbrún Jóna Pétursdóttir, Hjálmar Hallgrímsson, Ingþór Guðmundsson og Berglind Kristinsdóttir sem jafnframt ritaði fundargerð.

Einar Jón Pálsson setti fund og bauð fundarmenn velkomna.

Dagskrá:

1. *Umsögn Sambands sveitarfélaga á Suðurnesjum dags. 29.11.2019 um tillögu til þingsályktunar um stefnumótun náms á framhaldsskólastigi á Suðurnesjum.*
Stjórn S.S.S. staðfestir umsögnina sem send og samþykkt var með tölvupósti þann 29.nóvember 2019.
2. *Tölvupóstur dags. 9. desember 2019 frá nefndarsviði Alþingis vegna þingsályktunartillögu um fimm ára samgönguáætlun fyrir árin 2020-2024, 434 mál og samgönguáætlun fyrir árin 2020-2034, 435 mál.
<https://www.althingi.is/altext/150/s/0598.html> og
<https://www.althingi.is/altext/150/s/0599.html>*

Í ágúst árið 2013 fóru rúmlega 12 þúsund ökutæki um Reykjanesbraut á sólarhring samanborið við tæplega 20 þúsund í ágústmánuði 2019. Stöðug aukning var á umferð um Reykjanesbraut út árið 2018 en á árinu 2019 hefur hún dregist lítillega saman, sem skýrist að mest af fækkun farþega um Keflavíkurflugvöll sem að öllum líkendum er tímabundin.


Frumvarpi að nýrri samgönguáætlun 2020-2034 gerir ekki ráð fyrir markverðum framkvæmdum fyrr en á árunum 2025-2029 þegar farið verður í tvöföldun frá Fitjum að Rósaselstorgi og breikku aðskilnað aksturstefna við Krísuvíkurveg - Hvassahraun.

Stjórn S.S.S. hvetur stjórnvöld til að flýta tvöföldun Reykjanesbrautar og huga að öruggi vegtenginga að nærliggjandi bæjarfélögum.

B

MP

JH-JT



SAMBAND SVEITARFÉLAGA Á SUÐURNESJUM

Skógarbraut 945 • 236 Reykjanesskáli • Kl. 640479-0279
Sími 420 3268 • Netfang sss@sss.is

Einnig er nauðsynlegt er að ráðast í löngu tímabærar viðhaldsframkvæmdir á þjóðvegunum að Suðurnesjabæ auk þess sem breikka þarf veginn á milli bæjarkjarnanna.

3. *Erindi frá Jóhanni F. Friðrikssyni f.h. Keilis, án dags. Ósk um viðræður við sveitarfélög á Suðurnesjum v. kaupa S.S.S. á 40% hlut í skólahúsnæði Keilis.*
Þar sem stjórn S.S.S. hefur ekki heimild samkvæmt samþykkjum S.S.S. til að skuldbinda aðildarsveitarfélögum fjárhagslega án samþykkis þeirra leggur stjórn S.S.S. til að bæjarráð allra aðildarsveitarfélaga S.S.S. fundi ásamt framkvæmdastjóra Keilis til að fara yfir erindið. Framkvæmdastjóra falið að boða til sameiginlegs fundar hið fyrsta.
4. *Drög að starfsáætlun stjórnar S.S.S. vegna ársins 2020.*
Starfsáætlun stjórnar S.S.S. samþykkt. Framkvæmdastjóra falið að senda út fundarboð með rafrænum hætti til sveitarstjórnarmanna sem til bæjarstjórna.
5. *Samstarfshópur um aukna fagþekkingu, bætta hönnun og samræmingu merkinga á ferðamannastöðum - Stöðuyfirlit 25.11.2019.*
Þuríður H. Aradóttir Braun verkefnastjóri Markaðsstofu Reykjaness er fulltrúi Samband Íslenskra sveitarfélaga á samstarfshópnum. Verkefnastjóri hefur sent stöðuyfirlitið til byggingarfulltrúa sveitarfélaganna á Suðurnesjum til kynningar.
6. *Fundargerð 5. fundar Byggingarnefndar um viðbyggingu Fjölbautaskóla Suðurnesja, dags. 29.11.2019.*
Lagt fram.
7. *Fundargerð 32. fundar stjórnar Pekkingarseturs Suðurnesja, dags. 28.11.2019.*
Lagt fram.
8. *Fundargerð 75. fundar stjórnar Heklunnar og Markaðsstofu Reykjaness, dags. 10.12.2019.*
Lagt fram. Stjórn S.S.S. lýsir yfir þungum áhyggjum vegna mikillar fjölgunar á atvinnuleitendum og óskar eftir fundi með fulltrúum Vinnumálastofnunar.
9. *Erindi frá Ferðamálasamtökum Reykjaness dags 06.12.2019, ósk um styrk að fjárhæð kr. 600.000,-*
Vinnu við gerð fjárhagsáætlunar S.S.S. er lokið vegna ársins 2020.
Ferðamálasamtökum Reykjaness er bent á að skila inn umsókn tímalega fyrir undirbúning fyrir næstu fjárhagsáætlun S.S.S.
10. *Alyktun frá ráðstefnu Ferðamálasamtaka Reykjaness og hagsmunaaðilla.*
Lagt fram.


KJP

2

BM

EJP

JLH
HJF



SAMBAND SVEITARFÉLAGA Á SUÐURNESJUM

Skógarbraut 945 • 235 Reykjavík • Kt. 640478-0279
Sími 420 3288 • Netfang ssa@ssa.is

11. Fundargerð Úthlutunarnefndar Uppbyggingarsjóðs Suðurnesja nr. 16, dags. 13. nóvember 2019.

Lagt fram.

12. Fundargerð Úthlutunarnefndar Uppbyggingarsjóðs Suðurnesja nr. 17, dags. 18. nóvember 2019. Fylgir: Upplýsingar um styrkhafa.

Uppbyggingarsjóður Suðurnesja úthlutaði styrkjum að upphæð kr. 45.000.000,- til 39 verkefna. Alls bárust 65 umsóknir að þessu sinni og hljóðuðu þær að upphæð rúmlega 167.000.000,-

Menningar og lista verkefni fengu úthlutað kr. 28.000.000,- en atvinnu- og nýsköpunarverkefni fengu úthlutað kr. 17.000.000,-

Stjórn Sambands sveitarfélaga á Suðurnesjum óskar styrkhöfum til hamingju með styrkina.

13. Skýrsla um flugvölli í Hvassahrauni.

<https://www.stjornarradid.is/lisalib/getfile.aspx?itemid=02cff95b-1200-11ea-9453-005056bc4d74>

Lagt fram.

14. Húsnaðismál S.S.S.

Framkvæmdastjóra farið að vinna málið áfram til næsta fundar.


15. Heimsókn frá stýrihóp stjórnarráðsins vegna Sóknaráætlunar Suðurnesja.


Stýrihópur stjórnarráðsins heimsótti stjórn S.S.S. að þessu sinni. Umræðuefnin var Sóknaráætlun Suðurnesja en farið var yfir hvernig til hafði tekist á tímabilinu sem er að renna sitt skeið sem og framtíð nýrrar Sóknaráætlunar 2020-2024.

Stjórn S.S.S. lýsti yfir mikilli ánægju með verkefnið og samstarfið við stýrihópinn.


16. Önnur mál.

Fleira ekki gert og fundi slitið kl. 10:40.


Einar Jón Pásson


Kolbrún Jóna Pétursdóttir


Hjálmar Hallgrímsson


Ingþór Guðmundsson


Berglind Kristinsdóttir